

祠內各禁條列后
一 祠內務宜洒掃潔淨朝晚香燈以昭誠敬
一 祠內不許窩留面生可疑之人歇宿聚飲
一 看守祠宇者不得在祠內婚男嫁女與凶喪等事
一 祠內不許打禾晒穀堆積柴草安設碓磨
一 祠內不許牧養耕牛雞豕
一 附近耕種田土不得在祠內安放禾把
以及一切水車犁耨並扶植果菜等物
已上諸條如看守人有犯即行逐出如係子
孫有犯即集衆公議革職重責決不寬恕

道光辛卯年仲冬吉日敦本堂立石

福善堂赠田碑记

撰者	尺寸	位置	年代
不详	高0.77米，宽0.4米	长洲街长洲社区下庄南海神祠内	清道光二十年（1840）

碑文内容为长洲乡民以积垦沙田，愿向清廷课税，捐为庙产之田。该碑为研究广东珠江三角洲沙田成因的重要资料。

福善堂赠田碑记

南海神祠之东，沙鹭江之西，潮田壹佰伍拾亩，已筑垦成田。乃本堂尝产，各姓耆老赞成奉献为庙产，以资香油之用，更其名为朝圣。乡间之东北，江心有沙，渐露水面，已成鹤立之势，吾乡愿向清廷课税，日后成田，为吾乡所有，赠为庙产，以资宝诞及祭祀之用。道光十九年，由鱼游鹤立草埗，已成潮田，本堂出资，筑垦成围三百亩，名为洪圣沙，清廷给予沙照。本堂有值理，专管庙事收支。如有舞弊行为，亏空公款，亲而及疏，拍卖家产抵偿。乡之立例，以警后世。

下庄福善堂立石

道光二十年岁次庚子吉诞

福善堂贈田碑記

南海神祠之東沙鷺江之西潮田壹佰伍拾畝已築墾成田乃本堂嘗產
各姓耆老讚成奉獻為廟產以資香油之用更其名為朝聖鄉間之東北
江心有沙漸露水面已成鶴立之勢吾鄉願向清廷課稅日後成田為吾
鄉所有贈為廟產以資寶誕及祭祀之用道光十九年由魚游鶴立草步
已成潮田本堂出資築墾成圍三百畝名為洪聖沙清廷給予沙照本堂
有值理事專管廟事收支如有舞弊行為虧空公款親而及疏拍賣家產抵
償鄉之立例以警後世

下莊福善堂立石

道光二十年

歲次庚子

吉誕

重修下庄南海神祠碑记

撰者	尺寸	位置	年代
不详	高0.78米，宽0.5米	长洲街长洲社区下庄南海神祠内	清道光二十年（1840）

该碑记述南海神祠始建于元至顺元年（1330），并说明取名福善堂之由，为研究该庙历史沿革提供了依据。

重修下庄南海神祠碑记

吾乡长洲下庄南海神祠，前据珠江之滨，控珠江之胜，维神泽溟涨，荣镜炎洲，浴日沐月，光华遍及南服，乾瑞坤倪，宏宣广利之功。扶胥古港，兔岭东隅，有一庙焉，名曰菠萝，所称赫濯英灵，为南海福宇者也。建庙于元至顺元年，斯时诸村人奉祀，众姓不一，故立名福善堂，取洪福与劝世人为善之意。自兹以后，吾愿入庙者思敬，入乡者思善。自立庙以还，风调雨顺，民康物阜，商旅平安，凡祈神庥佑者，神灵显著，感应如声。神祠历五百春秋，栋宇朽颓，乡民倡议重修。道光庚子之岁仲夏，兴工新修，祠宇脊高两丈有余，耗费浩巨，实非易事，然神相默佑，乡众踊跃捐输，复得乡间父老诸公共襄善事美举，即成祠宇。上梁之日，瑞气盘旋，此乃神灵显圣。落成之日，庙貌维新，神威焕彩，其赐福于吾乡者，宁有涯哉？

道光二十年岁次庚子吉诞

重修下莊南海神祠碑記

吾鄉長洲下莊南海神祠前據珠江之濱控珠江之勝維神澤溟漲榮鏡炎洲浴日沐月光華遍及南服乾瑞坤倪宏宣廣利之功扶胥古港兔嶺東隅有一廟焉名曰菠蘿所稱赫濯英靈為南海福宇者也建廟於元至順元年斯時諸村人奉祀衆姓不一故立名福善堂取洪福與勸世人為善之意自茲以後吾願入廟者思敬入鄉者思善自立廟以還風調雨順民康物阜商旅平安凡祈一神麻佑者神靈顯著感應如聲神祠曆五百春秋棟宇朽頽鄉民倡議重修道光庚子之歲仲夏興工新修祠宇脊高兩丈有餘耗費浩巨實非易事然神相默佑鄉衆踴躍捐輸復得鄉間父老諸公共襄善事美舉即成祠宇上樑之日瑞氣盤旋此乃神靈顯聖落成之日廟貌維新神威煥彩其賜福於吾鄉者寧有涯哉

道光

二十年

歲次

庚子

吉誕